

續

丙

記

政

錄

續丙記政錄

正月二十三日

經畧高第塘報

聖旨奴兵分為兩路伏謀叵測非獨國備當嚴其沿
路各路口尤宜倍加防禦毋復踈虞兵部知道

同日

錦衣衛百戶傅德相一本緝獲事奉

聖旨劉鐸與妖僧本福俱送鎮撫司從公究問務審
詩句圖書真偽明白具奏

同日

大學士顧秉謙等揭奴酋糾合西虜事奉

聖旨覽卿等奏具見為國家籌邊忠愛朕已洞知但
國家多事之時薊鎮更為喫緊申用懋見在候
代老老難堪岳和聲有旨嚴催赴任無日着吏
部作速另會推在朝能曉邊情的四五員來看
朕用星馳任事以紓朕東顧之懷岳和聲另推
別處用

二十五日

吏部一本欽奉

聖旨事奉

聖旨郭允厚李春燁孫杰三臣已有旨留京卿用如何不遵潘汝禎張捷二臣果否曾歷邊事輒與會推還着另推來看

同日

吏部一本缺官事奉

聖旨邊報緊急郭尚友畿南保障不便他轉張樸陞兵部右侍郎兼都察院右都御史總督宣大山西地方寫敕與他

同日

吏部一本缺官事奉

聖旨薛鳳翔陞工部左侍郎督理城守軍器事務房
壯麗起陞工部右侍郎著星馳到任不得遲延

同日

吏部一本仰遵

明旨事奉

聖旨科道外轉仍照近例科四道六不得輕變成規

同日

吏部一本缺官事奉

聖旨靳于中賴襄國計閔洪學遠任天南遷轉樞貳
俱屬未便着另推幾員來看

同日

吏部一本缺官事奉

聖旨徐紹吉賴襄國計不得遂轉佐銓署另推幾員
來看

同日

禮科彭汝楠一本謚議已奉

明綸事奉

聖旨易名重典已極濫觴限年限官是為砥柱至于
建文諸臣尤宜斟酌禮部知道

同日

御史李燦然一本糾儀事奉

聖旨陳庶看削籍為民以后各衙門屬官有老病不堪者即令致仕不得強入朝班以致傾跌失儀該部知道

二十六日

大學士顧秉謙等揭帖奉

聖旨是閻鳴泰以原官兼都察院右僉都御史整飭薊鎮等處邊備兼巡撫順天等府地方寫敕與他着即日赴任其聯結西虜事宜責成王牧民并着王世忠加正總兵職銜前去開門協同料

理仍給與敕書行事應用犒賞著兵部作速處
給不可遲延該部知道

二月初三日

平遼總兵毛文龍一本

皇恩逾涯寧奉

聖旨功罪原非兩途信賞必罰係朝廷操柄毛文龍
即使有功豈得代人贖罪况奴酋入犯文龍全
不知覺牽制安在輒敢言功乃為失陷封疆之
臣求宥藐視朝廷是何法紀海外孤軍姑不究
該部知道

同日

吏部一本欽奉

聖旨事奉

聖旨郭允厚陞兵部添設右侍郎李春燁陞兵部右侍郎

同日

吏部一本欽奉

聖諭事奉

聖旨袁崇煥陞都察院右僉都御史專理軍務照舊駐扎寧遠等處管事寫敕與他

初四日

御史高弘圖一本數年一挫賊鋒事奉

聖旨高弘圖屢疏條陳未當今又阻撓廟祀大典已
運木石漕糧各有專責何得以東事遂妨並舉
姑不究該部知道

初六日

兵部一本遵

旨回奏事奉

聖旨提調陞遊擊階級懸絕躡等起陞又含糊回奏
情弊顯然余大成着削籍為民陵寢重地還着

另擇都司守備俸深薦多練習兵事的來用該部知道

同日

御史汪裕一本缺官事奉

聖旨來宗道陞南京禮部尚書錢象坤曾被言官論列醜詆着冠帶閑住

二月初八日

吏部一本缺官事奉

聖旨是李棲鳳准陞霸州兵備道但馮從龍歲裡到任席未及煖如何就陞送舊迎新百姓殊苦不

便以后吏部還遵久任之法不得徇情遷轉

同日

禮科李恒茂一本遵

旨回話事奉

聖旨曹爾禎既陞山西巡撫令整兵山西若其未離山東當令作速到任東西二字顯屬錯寫這所奏終是含糊還從着實回話該部知道

同日

御史石三畏一本中外乏人事奉

聖旨條議輕率薦舉欠當石三畏姑着削籍該部知

道

同日

鎮撫司一本緝訪事奉

聖旨這事情劉鐸供稱歐陽暉所作者錦衣衛差的
當官旗扭解來京一同質對劉鐸暫送刑部監
候

同日

刑部主事王建泰一本奴鋒暫挫事奉

聖旨這本拾人唾餘冗長泛濫不便省覽姑不究

初九日

吏部一本欽奉

聖旨事奉

聖旨薛貞等四員各有職掌着另推幾員來用

初十日

禮科李恒茂一本遵

旨回話事奉

聖旨李恒茂兩次回話俱屬支吾本當照紅牌重處
着削籍為民當差仍追奪誥命該部知道

十一日

經畧高第一本奴賊十五六萬事奉

聖旨奴酋大舉入犯官兵奮勇禦敵打死奴兵無數
斬獲首級二百餘顆大敗奔回八年以來無此
奇捷深慰朕心經督道鎮將領各官功次候事
平勘明優叙還着相機應援驅逐歸巢以收萬
全

同日

刑部一本君子道長事奉

聖旨吳世科侵國充囊吳之瑞知情寄頓兩犯既同
何得輕重擬罪該司官好生玩法還着另擬具
奏

同日

兵科羅尚忠一本遵例糾拾事奉

聖旨邢元吉鑽謀機巧敗檢著聞與周顯祚周洽趙昌胤等結黨罔利又將象房大木擅造器皿搬運回家盜賣草料飢死象隻好生貪縱着削籍為民追奪誥命仍送法司提問追贓其餘的分別處治具奏

同日

御史徐揚先一本糾拾事奉

聖旨焦夢熊等着分別處治內張懋忠為邢元吉腹

心慣依邪黨勿顧身名謀議通宵流毒同輩尤
當重處

同日

吏部一本勞臣奉差身殞事奉

聖旨王遠宜准贈工部右侍郎廕一子入監讀書

十二日

工部主事徐石麒一本微臣被誣事奉

聖旨徐石麒得銀五百五十兩係王國興供稱何云
無據着作速還官以憑處分該部知道

同日

吏部上本

陞山東叅政劉榮嗣浙江叅政馬鳴起河南副使焦源溥陝西副使陳奇瑜劉四端福建叅議蒲秉權廣東叅議胡其俊正推有點

十四日

直隸巡按賈毓祥一本計期伊邇直陳懇見事奉

聖旨據奏左光斗前後變產銀二萬兩着勒限解進其謝薦等銀必有親信家人經手何得無實貯數目着嚴提究問務盡數追完不得徇情隱匿

該部知道

十六日

南道徐復陽一本恭繹

明旨事奉

聖旨魯汝召阿附邪黨羽翼移官希圖定策魏士前
倚恃熊廷弼周嘉謨恣肆貪婪驟躋臬憲郝土
膏作令不仁麾親無父典試策文訛上無君并
前降處方逢年章允儒顧錫疇丁軋學熊奮渭
李繼貞都着削了籍為民仍追奪誥命其董承
業文氣稍平姑照前旨郝土膏賍私狼籍仍行

該撫按提問照數追贓以助大工便據贓從重
擬罪該部知道

同日

刑部一本遵奉

聖旨事奉

旨先帝賓天之日惠世揚與楊漣左光斗同惡相
濟造語垂簾希功定策致康妃母子踰牆失所
先經黃克績賈繼春論劾罪狀甚明及查其串通
汪文言入王安直房褻衣密謀則離間親親交
結近侍大惡備矣重辟允當即依擬行

同日

吏部一本考察事奉

聖旨會典一款照依違限日月多少違加處分今因
唯嘉違限三月有餘自當重處即着革職為民
以儆將來

同日

經畧高第一本糾叅庸懦鎮臣事奉

聖旨右屯覺華島所積糧草前有旨着搬運內地如
何不遵盡以資盜匿不以聞其叅論楊麒着兵
部酌議具覆麒字錯寫麟改正行

同日

都察院一本畧述考察事奉

聖旨田唯嘉已有旨已後御史復命務要遵照會典
嚴加考察不許縱容給假違限

同日

兵部一本處決重囚事題熊廷弼首級傳示各
邊奉

聖旨熊廷弼首級着發山海關號令

同日

山東巡撫呂純如一本制奴有必用之着事奉

聖旨王象乾年過八旬只宜優之以老豈能復任封疆所舉不當該部知道

同日

御史賈毓祥一本薦舉地方人才事奉

聖旨汪應蛟年已衰邁只宜休養林臯如何又登薦牘所舉不當

十七日

南道徐復陽一本叅酌時宜敷陳末議事奉

聖旨書院改作忠臣祠明旨森然誰敢復萌異念不必移鮑應鰲陳大綬為邪臣王允成跡贈跡昭

顯然命黨着即削除一切奉旨議勘罪案該部
撫按即作速完結有遲延的叅來處治其持局
宜堅鑄錢宜酌交代宜速都着申飭該部知道
同日

工部侍郎崔呈秀一本觸事懷忠事奉

聖旨魏忠賢勤慎奉公清廉勵操疏蠲年例彰朝廷
節愛之仁題免夙逋救黎庶飢寒之苦一心為
國百廢俱興緝獲無著奇勲昂建更多懋績朕
心加悅特賜敕旌獎廕弟姪一人與做都督僉
事賞銀三十兩紵絲二表裏羊二隻酒三十瓶

新鈔三千貫仍宣付史館以昭勸勉其征倭款餉已經禁止撫按官何不回奏關稅原非得已如果有長策堪佐時艱諸項自宜停免報商一節屬民尤甚併着該部作速具覆

十八日

山西巡撫柯景一本

聖治幸已一新等事奉

聖旨張慎言黨邪害正避差鑽差罪難枚舉今只以監守自盜永成依擬其周宗建賍私該撫按久不回奏聽其逍遙無忌成何法紀繆昌期已經

削奪仍補服黃蓋開館招賓愈見縱肆即着錦
衣衛差的當官旗將周宗建繆昌期扭解來京
究問

同日

錦衣衛一本邪黨尚多隱伏等事差千戶王道
行等往南直捉拿周宗建繆昌期奉

聖旨知道了

二十日

工部一本觸事懷忠事奉

聖旨魏忠賢殫力奉公赤心報國舉三朝之曠典結

据獨先省百萬之金錢綜核倍至即此一事勞
苦功高其他忠勤未易悉數亟宜宣付史館以
勸將來

二十二日

兵部一本成造鹵簿

大駕事奉

聖旨魏忠賢劉忠田爾耕俱奉旨題叙如何不遵疏
內止伏田爾耕司官大不敬姑罰俸三個月吏
書重加責治與堂上官無涉

同日

工部一本直糾不檢事奉

聖旨曹欽程領過各項銀兩既經銷算交割明白准
他回籍去

二十三日

兵部一本鹵簿

大駕事奉

聖旨魏忠賢加恩三等賞銀五十兩紵絲三表裏廕
弟姪一人與做都督僉事仍賜敕獎勵劉忠加
恩二等賞銀三十兩紵絲二表裏廕弟姪一人
與做錦衣衛正千戶該部知道

同日

都察院一本感激

聖明事差御史王心一王業治掌道奉

聖旨王業浩着掌河南道

二十四日

兵部一本遵例糾拾事奉

聖旨是內徐永胤張茂忠着提問追贓其餘念用武
之秋俱免提追

二十五日

吏部一本缺官事奉

聖旨郭尚友保障畿南實心任事正賴整頓未可輕
移孫杰陞工部右侍郎協理殿門工程事

二十八日

薊遼總督王之臣一本奴酋因敗思逞事奉

聖旨不問奴勢緩急戰守之見自當作速料理素崇
煥令旗令牌關防准給另補道臣着酌議行王
化貞屢奉嚴旨實承式述將情真

祖宗法度昭然何必會議况封疆之臣豈得為失陷
封疆者求宥該部知道

同日

戶部一本觸事懷忠事奉

聖旨是內府錢糧曾經監臣魏忠賢題允罷減者已
宣付史館昭朝廷體恤商民至意其征倭加派
停征已久有司官員曾否遵依着該撫按官嚴
行禁止限三月內回奏

同日

皇帝敕諭總督東廠官旗辦事提督禮儀房寶和等
店無掌惜薪司內官供用庫印務司禮監秉筆
太監魏忠賢朕惟名世代興百年罕觀納誨輔
聖撫宸亮天若于心膂之臣克盡凝承之職為

上為德為下為民克勤克慎惟公惟正殫忠著
烈者萬不得一焉乃天祐朕躬篤生良佐爾忠
賢之念急公家助高磐石宣勞潛邸不言丙吉
之舊恩戮力中樞式啓周宣之新運朕每加宣
諭以重褒嘉茲者臺臣特疏贊揚披陳公道質
之朝野惟若同聲蓋實事並彰于共見共聞而
赤心尤徵于上知上鑒此非特申明諭宣示外
廷將報功之禮未彰勸善之風猶鬱故特舉爾
大節載在汗青以作楷一時流芳百世念爾自
佐朕垂衣而治六載于茲矣早夜以圖心力為

瘁俾朕敬

天法

祖勤學登朝茂德保躬明賞信罰空黨人之宿布而
王道蕩平殛覆師之赴臣而恩威震疊朕用是
耳目四達政事肇新皆賴爾任勞怨于一身展
經綸于三事苦心茂績軼古冠今若小則平治
道路橋梁澤及商旅大則首倡陵工捐助慰朕
孝思築廟寧以固金湯置學田以育才俊停店
清而乾沒塞曠賊難而畿甸安葺公廨以衛我
宸居築壩工而利我屯牧頻發盜鱗群惡交收

泉府之權屢誅竊餉神奸益著技膠之惠偷
甲葉偷賣龍袍以至奪刼銀鞘者咸伏種種刑
章詐冒職官詐刻印信以至孫戕祖命者難漏
恢恢天網即勢要違制必明示僭侈之誅其上
納假綿已嚴垂詐偽之戒年例若茶果若煤炭
若米儲一槩蠲除積弊若納辦若進獻若鋪墊
通行裁革不時之品不以供膳御不正之物不
以混聰明非爾導朕以清心寡慾之功而率下
以廉潔奉公之訓乎至于中涓盡遵約束竿牘
謝絕吏兵一毫無私更為表表及掌廠而恩周

當尉督工而用節水衡刺奸之法信若神明將
作之勤迅于風雨振舉三朝之曠典節省百萬
之金錢雲集于來勝靈臺之不日翬飛鳥華追
小雅之斯干其為朕殫竭血誠拮据大事雖古
之黃髮元老奉公憂國何以加焉總皆外廷之
所不盡知口碑之所不易罄者也有此純臣宜
膺渥典惟爾堅辭爵座彌著謙冲茲特賜爾羊
酒銀幣新鈔旌勲仍宣付史館用垂永久
嗚呼四星帝座叅元象于三台六典周官
士于內尹播之史冊邇之本朝如爾豈徒媿休

先世之懷覃洎足振美禁中之周召爾其新恩
祇受嘉績益褻朕夙軫民艱行將與廷臣酌議
罷稅蠲租流膏布閭以副爾致君堯舜之一念
朕言所在皎若日星金石可磨鴻嗣不朽爾其
欽哉故諭

三十日

吏部一本缺官事奉

聖旨霍維華方在奉差郭輦准陞大理寺左少卿

同日

吏部一本缺官事奉

聖旨馬之麒改國子監司業

同日

吏部一本缺官事奉

聖旨劉鍾英改南京國子監司業

同日

應天巡撫毛一鷺一本

聖治幸已一新事奉

聖旨周宗建贓私狼籍如何止追一千餘兩還着提
家屬嚴追其罪名候解來京究問另擬該部
知道

同日

刑部一本按遼罪狀等事奉

聖旨方震孺與熊廷弼同罪屢奉明旨司官如何不遵且羸負貂參不計其數追銀五千兩未盡其贓還着另擬嚴追不得輕縱

三月初一日

工部侍郎崔呈秀一本為法行城存事奉

聖旨楊麒應援不前致有覺華島之失回衛未盡其事着削了籍為民王化貞已有屢旨關門內外軍民困苦已極全賴撫綏管關主事陳祖苞科

索往來財物怨聲載道着革職閑住該部知道

同日

織造太監李實一本欺君蔑旨事奉

聖旨周起元背違明旨擅減原題袍段數目又勒捐袍價以致連年誤運且托名道學引類呼朋各立門戶一時逢迎附和周宗建繆昌期周順昌高攀龍李應昇黃尊素盡是東林邪黨與起元臭味親密干請說事大肆貪婪吳民恨深切齒除宗建昌期已經逮解外其周起元等五人鄒希錦衣衛差的當官旗扭解來京究問李實

仍安心供職該部知道

同日

鎮撫司一本緝獲事奉

聖旨奸細武長春係叛賊永芳之壻向來出入京師
窺探消息謀為不軌又糾結季應誠李廷柱周
應元李廷棟薛應魁等鎖營守備意圖握兵內
應近者奴賊入犯彼實招之幸上賴

宗祖之神靈下藉廠臣之忠智獲此元兇并擒奸黨
既經鎮撫司究問情真着送刑部依律從重擬
罪魏忠賢赤心為國殫力籌邊前此屢著奇勲

今又潛銷大纛不煩亡矢遺鏃之費可比斬將
擐旗之功勞在封疆賞宜超等看查照寧晉伯
事例速議具奏以彰朕酬眷元臣至意其原辦
官旗并與優叙

同日

都察院一本請差巡按官員事差御史高弘圖
直隸巡按奉

聖旨高弘圖前既阻撓大典今又獨名題差顯屬鎖
刺着另推來用

同日

太常寺少卿劉廷元一本要典關係匪輕事奉
聖旨挺擊紅丸移宮三案皆奸黨巧立希圖富貴因
藉以祛除異己羅織正人這本說的是併科道
諸臣前後正論都着史官纂入要典垂示將來
劉光復侃侃不阿宜加卹叙該部知道

初三日

經畧高第一本臣病危篤事奉

聖旨卿簡任方新猷為未竟何乃屢跡請告情詞迫
切准回籍調理病痊起用還與馳驛去該部知
道

初四日

吏部一本緝獲事奉

聖旨奴酋猖獗之日有叛賊內應之奸非但封疆勝負攸關抑亦宗社安危所係魏忠賢預發不軌之深謀大挫積年之強虜捷音雖報于邊塞勝算實出于廟堂寧晉先後齊芳世爵襲封允當特封忠賢姪太子太保左都督魏良卿為肅寧伯世襲官銜照舊歲加祿米一千一百石其遺下世襲錦衣衛都指揮使另行承補錫之鐵券與國同休誓以河山永世無斃藉此盛典作勸

忠良該部知道

同日

吏部一本酌用任事道臣事復朱熒元題叅政
尹伸陞湖廣按察使

又一本酌處勞勛道將事復起湖廣叅政陸夢
龍奉

聖旨是

初五日

刑部一本緝獲事奉

聖旨奸細武長春凌遲虜死首級號令各邊餘犯李

應成等俱着會官處決

初六日

禮部侍郎丘士毅一本懇

恩認罪事奉

聖旨丘士毅足疾不便朝參准回籍調理該部知道

同日

豐城侯李承祚一本照勛定賞事奉

聖旨這本說的是魏忠賢緝獲奸細功著封疆已有
旨封伯爵世襲了該部知道

同日

吏部一本缺官事奉

聖旨潘汝禎陞都察院右僉都御史巡撫浙江等處
地方寫敕與他馮三元係賜環的已有旨留著
京卿用如何又與陪推

同日

兵部接出

聖諭朕惟國家之事莫重于封疆封疆之弊莫大于
隱故必文武同力內外協心然後功罪可清
上下相信我

太祖攘夷為夏

成祖三犁虜庭

列聖曠承武功並著蓋其設官分職皆有深意存焉
朕覽全遼志見自永樂宣德正統以來節次設
立鎮守分守太監等官後因有司朦奏裁革迨
我

神祖末年承平日久邊務廢弛以致奴賊獮獨宇內
騷動而委用俱不得人李維翰則紅旗催戰而
殞我總兵楊鎬則預洩師期而喪我風將鄭之
范則先逃以懈軍心而開原陷熊廷弼則奸巧
以卸重擔而遼瀋亡沃野盡沒腥羶衣冠化為

原缺

息緩急進止機宜務要據實直寫密封不時星
馳奏報與文武將吏協心為國不許參商致生
罅隙如果除兇雪耻恢復有功與文武將吏並
行爵賞倘或挾同朦蔽致悞封疆必與違臣一
體任咎

祖宗成意朕不敢私仍各查照舊制寫勅與他以昭
朕法

祖飭戎至意特諭

初七日

大學士顧秉謙等揭帖奉

聖旨覽卿等所奏忠誠為國殫力籌邊朕已洞悉昨遣內臣出鎮特諭昭然原以清查糧餉軍馬綜覈防禦等項無非法

成祖以來曾有之舊制為恢復封疆之大計耳卿等既已議妥擬諭施行今何得復以外廷群小之言輒又欲阻成命二三反汗大非朕斷在必行之意也還即遵前諭行該部知道

同日

經畧高第一本失火事二月二十六日中所失
火奉

聖旨遼事正急如何燒燬倉糧火藥器械等項好生
疎縱失事人員務着實查明重究兵部知道

同日

吏部一本逆奴因敗思逞事奉

聖旨孫元化新到寧遠尚未見功還着選甲科才望
素著者陞寧遠道兵備劉國縉勘局未結何得
朦朧起用該司官姑不究劉詔依擬行

同日

兵部一本因塘報以修戰守事奉

聖旨袁崇煥准以都察院右僉都御史巡撫遼東山

海等處地方提督軍務寫勅與他寧遠道員缺
看吏部作速題補所請糧料器械等項着戶工
部火速催發關內道劉詔加陞左布政職銜照
舊管事以勸將來該部知道

同日

宋廠魏忠賢一本 天恩愈出非常事奉

聖旨爾志切吞胡心專滅虜發巨奸以銷累孽振國
威以真封疆功既勒于旂常爵宜崇乎帶礪不
允所辭

初八日

陞順天府府丞劉志選須之彥

同日

刑部一本緝獲事奉

聖旨李柱明着監候處決餘俱依擬

同日

兵部一本欽奉

聖旨事奉

聖旨內臣鎮守係

祖宗舊制文武諸臣並無掣肘遵前諭行

初十日

刑部一本按遼罪狀已明事奉

聖旨方震孺既依律問明姑依議行其贓私即作速
追完以助大工不得稽緩

鎮撫司一本緝獲事奉

聖旨犯人王用行等通送刑部依律從重擬罪魏忠
賢志切忠君心懷補袞搜剔異弊摘發神奸使
御用龍章歸還寶藏功績愈茂賞賚宜隆庶弟
姪一人與做都督同知仍賜敕以示優異還賞
銀五十兩綵段四表裏羊三隻酒三十瓶新鈔
三千貫其原辦官旗照例并叙

十二日

兵科薛國觀一本欽奉

聖諭事奉

聖旨已有屢旨如何不遵又來聒瀆姑不究該部知道叢脞錯字改正行

御史牟志變一本欽奉

聖諭事奉

聖旨已有屢旨如何不遵又來聒瀆姑不究該部知道

兵部一本緝獲事覆官旗楊震等陞級奉

聖旨魏忠賢首獲巨奸大挫强虜功高績茂爵賞已
頒仍賜敕獎勵以示優異賞銀五十兩彩段四
表裏羊二隻酒三十瓶新鈔三千貫其官旗楊
震等准照後開款目陞授

太監魏忠賢一本隆恩頻頒事奉

聖旨爾摘發勤勞朕所素鑒至緝獲盜賣龍袍一事
功績更高加恩示酬原不為過宜即祇受不允
所辭該部知道

十三日

經畧高第一本塘報事奉

聖旨據報奴酋打造舟車意圖再逞即當水陸周防
前奏有覺華島水兵舡隻作速調補修造之旨
及寧遠急需等物解發者不時回奏不見題覆
奴急我緩防禦謂何今着内外文武諸臣急修
戰守時刻戒嚴常如臨陣對敵務策萬全并經
畧速議應否仍設以便責成該部知道

兵部尚書王永光等一本遼警踵聞事奉

聖旨逆奴犯順以來文武將吏經幾番委任迄無成
功寧遠雖固守全完覺華島失事亦為不少内
臣之遣出于萬不得已且並無掣肘屢旨甚明

如何不遵反以危言責擾希圖卸擔塘報緊急
本兵責任難辭一切防禦機宜還着作速料理
不得爭執沽名

吏部尚書王紹徽等一本虜患剝膚事奉

聖旨遼左淪沒八載于茲文武將吏幾皆更易恢復
無期至兵餉迄無確數故特遣內臣查覈且屢
旨甚明並無掣肘卿等大臣體國宜各出長策
仰佐朝廷宵旰之憂不得扶同阻撓以沽名塞
責

十五日

太監韓世祿一本貪官贓銀已明事奉

聖旨唐紹堯并各衙役名下贓銀共一萬餘兩着嚴
限如數追完解進以助大工該部知道

太監魏忠賢一本三懇聖慈事奉

聖旨爾別整弊絕輦轂風清再四控陳愈徵克讓庶
資銀幣准辭以彰恬雅賜敕獎勵尚其勉承該
部知道

十六日

兵科一本塘報等事奉

聖旨奴報緊急着該部作速議覆

吏部會推都察院缺左副都御史推劉廷元李
精白

十七日

御史李茂芳一本明主用人事奉

聖旨馬世龍已奉旨回籍了
行詩教冠帶閑住該部
知道

南道何早一本微臣仰荷
天恩事奉

聖旨區大倫魏說邪黨漏網都着削了籍為民當差
仍追奪誥命該部知道

十八日

御史牟志變一本澄汰頓清事奉

聖旨張問達已經削奪不得復行提究但據奏朋比貪汙所積饒裕姑准捐貲十萬以助軍興銀交該省撫臣解進明時舉李達募兵激變流禍無窮至今蜀黔尚未結局乃以鄉曲情面謬行舉薦豈言官之體該部知道

工部右侍郎崔呈秀一本以醒群迷事奉

聖旨這本辨妖書並封之國三事本末昭然緣奸人巧立國本名色厚誣

皇祖以驅逐輔臣妄希富貴實與三案諸奸一脉相

貫即着宣付史館列其大槩于要典之端同彰
先朝慈孝無令奸黨仍竊虛名混淆國是該部
知道

太常寺少卿趙興邦一本臺臣持論甚怒事奉
聖旨趙興邦糾邪任怨公論甚明着照舊供職不准
辭

太常寺卿曹思誠一本乞採通國之論事奉
聖旨內臣鎮守正為清查兵餉並無掣肘屢旨甚明
如何又來聒瀆顯是沽名姑不究該部知道

十九日

鎮守山海太監劉應坤一本彈力據忠事奉
聖旨自逆奴發難以來委用文武諸臣及糜費兵馬
錢糧不為不多乃迄無成功并無確數故特遣
爾出鎮清查不時奏報其經督撫鎮諸臣速着
的當員將將各項錢糧細造清冊以便磨算查
核不得仍前蒙蔽內臣遵照敕書自無掣肘文
武將吏亦須各秉虛公與內臣同心共濟不分
畛域矢圖萬全以無負朕特遣出鎮至意該部
知道

二十日

錦衣衛一本緝訪事拿到南京錦衣衛經歷歐陽暉奉

聖旨歐陽暉既拿到并送鎮撫司質對明白具奏

二十一日

遼東巡撫袁崇煥一本邊事關係匪輕事奉

聖旨內臣出鎮清查萬不得已且內臣劉應坤等三人前解軍器秋毫不擾朕因擇而用之且有廠臣魏忠賢赤心為國守法奉公相戒內官平日不干預部事豈有封疆大事勅書戒諭甚嚴而反為掣肘者諸臣自當安心殫力務圖萬全切

勿以多制為慮該部知道

大學士顧秉謙等一本纂修實錄事奉

聖旨皇祖實錄大典萬世信史所關成基命心術險
邪久依門戶著冠帶閑住林欲楫見任留都往
返稽遲不便卿等再另速推采孟紹虞曾楚卿
俱依擬用吏部知道

遼東巡撫袁崇煥一本再舉所知事奉

聖旨孫元化准充贊畫寧前道臣已點用畢自肅該
部知道

御史劉徽一本為

聖明勵精圖治事奉

聖旨游士任贓完發遣已有旨了奴報緊急城守諸
務自當嚴備內臣出鎮查管查核勅書開載甚
明魏忠賢緝奸除暴節用恤商剔積蠹以清吏
府擒逆黨以清禍源使人人如此實心任事何
患安攘不臻該部知道

順天府府尹秦聚奎一本懇恩容臣給假事奉
聖旨京兆衙門非養病之所秦聚奎着即出供職該
部知道

太僕寺卿魏應嘉一本寺臣言侵等事奉

聖旨人臣能洗滌舊過咸與維新不必爭辯該部知道

二十四日

大學士顧秉謙等一本公務事奉

聖旨是三朝要典乃傳信萬世垂訓將來鄭崇光受賄狼籍見在追贓周大成鄙陋不堪久依門戶豈得閱對大典俱着冠帶閑住其汪汝祥汪澍皆惡黨汪文言宗族心術憊邪熒惑國是招權納賄淆亂紀綱俱不得久踞密勿要地都着削了籍為民當差仍追奪誥命該部知道

原任順天巡撫岳和聲一本特蒙起用等事奉
聖旨岳和聲遇有巡撫缺卽會推來用該部知道

吏部侍郎黃儒炳一本患病曠職事奉

聖旨黃儒炳請告情詞迫切准回籍調理該部知道

十五日

戶科林宗載一本同官患病事奉

聖旨周洪謨久依門戶着冠帶閑住該部知道

大學士顧秉謙等一本日講事奉

聖旨姜逢元呈身門戶久濫清華豈宜復引講筵侍
從着冠帶閑住卿等還另推來吏部知道

吏部覆調兵科給事中袁玉佩

二十七日

應天巡撫毛一鷺一本遵奉

聖旨事報已故犯官顧大章先完贓銀一萬七千五百兩

二十八日

鎮撫司一本緝獲事奉

聖旨各犯歐陽暉等并劉鐸通送刑部分別擬罪具奏

四月初一日

工部主事門洞開一本敬捐徵俸事奉

聖旨捐助自有大體趙隆等遠年窮匠追其積欠事
屬瑣屑所濟幾何門洞開屢疏條陳未當今又
剝襲舊話賄沽名姑不究銀不必查收

錦衣衛一本緝獲事奉

聖旨束髮帽頂四爪蟒不係違禁之物當舖胡承峰
張新無罪官旗何得詐財生事鎮撫陳國善等
輕自用刑均屬非法姑不究將原帽頂與所詐
財物悉行給主以安人心該部知道

初四日

江西巡撫郭尚賓一本欽清吏治事奉

聖旨熊明遇交結汪文言私通賄賂造孽多端及任
南臺又支續餼以填豁壑費公帑以恣遊觀憲
臣犯贓加常一等擬徒未盡其辜還着依律問
遣以彰國法贓銀一千二百兩速追解進以助
大工該部知道

又一本欽奉

聖諭事奉

聖旨黃龍光甲元緩刑一疏為失陷封疆之臣求脫
目無朝廷非尋常受財枉法者比着遣發邊遠

充軍僉妻着伍鄧漢鄒維璉徐良彥交結汪文言罪惡多端徒杖豈足盡辜都着從重遣戍黃龍光施天德贓銀五千兩速追解進以充軍餉該部知道

御史田景新一本

殷工告成事奉

聖旨是崔呈秀監督勤勞着以工部左侍郎兼都察院右僉都御史用資彈壓其蘆溝橋等五處煤稅准免徵衢州開採官木已有旨着該撫按確查如何久不回奏各州縣帶徵錢糧另立一款

專責撫臣年終冊報及積穀石數總纂報工部
俱以多少為最該部知道

應天巡撫毛一鷺一本遵奉

聖旨事奉

聖旨顧大章駐銀完過一萬七千五百餘兩着先解
部查收其未完者既有舊房抵數并着作速變
銀續解以助大工該部知道

應天巡撫按毛一鷺徐吉一本民情可駭事出
異常事奉

聖旨周順昌逮到朝廷自有酌量處分小民無知何

得擁衆號呼幾成鼓譟法紀安在如本日解散
姑不深究如再有抗違為首的定行拏究正法
且益重本犯之罪撫按官另疏奏聞該部知道
初十日

錦衣衛一本異常大變事奉

聖旨奉旨提官係朝廷法紀奸民聚衆敢恣肆橫行
撫按官平日約束何在着將犯官速行前來伏
罪併查官旗下落保護入京為首密拏正法以
安地方該部知道

應天巡撫毛一鷺一本愚民狂逞事奉

聖旨愚民狂逞至擠傷旗尉雖云變起倉卒撫按等
官平日禁約謂何據奏犯官既已前來姑不深
究還着密拏首惡以正國法不得累及無辜其
蘇常等處私造書院盡行拆毀刻期回奏

又一本

欽犯先經物故事奉

聖旨官旗十八日方到高攀龍何由知覺預行自盡
着提伊男高世儒究問漏洩根因以申國法
錦衣衛百戶王道行一本

聖治幸已一新事奉

聖旨周宗建既已拏到送鎮撫司嚴刑究問百戶王道行需索激變一併究問追贓具奏

北鎮撫司一本

聖治幸已一新事奉

聖旨繆昌期供吐含糊不明還與周宗建一併究問具奏

大學士顧秉謙一本求歸未允事奉

聖旨大臣國家念重

以身名為輕况卿首揆豈

得推諉求去還遵旨速出入閣佐理着鴻臚寺

堂上官宣諭朕意慎勿再陳該部知道

兵部一本回鄉漢人事奉

聖旨是奴酋屢報造船即着海防官軍哨守出洋汎地據稱毛文龍遠駐東江不能牽制你部裏酌量駐劄要害之處作速行文與他以便策應

錦衣衛一本

聖治幸已一新事奉

聖旨繆昌期既拏到着送鎮撫司嚴刑究問千戶毛文明等受賄容犯官坐轎沿途需索甚非法紀着錦衣衛審實叅奏以憑處分

十一日

吏部一本缺官事奉

聖旨孫國禎陞太僕寺少卿

十二日

都察院一本遵

旨叅奏事奉

聖旨劉大受身為憲臣恣意違限藐視國法王心一
徇情結勘曲庇同門事屬欺罔都着削了籍為
民當差仍追奪誥命該部知道

刑部一本按遼罪狀事奉

聖旨方震孺見完贓銀二千兩着該部照數查收以

以助大工餘欠四千五百兩仍要勒限追比不得稽遲

十三日

御史余合中一本恭

陳聞見事奉

聖旨廠臣魏忠賢潔已奉公保護朕所素鑒周汝璣不附邪黨梅守相功在沕河俱宜優擢晉承忠張璠酌量勸懲劉三顧姑不究該部知道

十五日

大學士丁紹軾揭帖奉

聖旨國家多事卿暫調理兩三日即出贊襄不必給假該部知道

十九日

原任大學士方從哲一本敬捐徵貨事奉

聖旨卿身臥家園心厯國計捐貲助建具見急公朕甚嘉悅銀着監部科道照數查收該部知道
大學士丁紹軾一本病劇勢危事奉

聖旨卿忠勤直亮倚任方殷偶恙不妨調理何得遂萌歸念時事多艱稍可即出贊襄副朕注眷至意該部知道

二十日

工科虞廷陞一本要

典告成事奉

聖旨這本說的是妖言惑衆禁令甚嚴世道清明豈容魑魅魍魎橫行于白晝天鑒錄諸書誣捏不根意在報復恩仇傾陷異己本當追究重處恐貽株連姑且不究今後凡係此等私書一見即為焚毀毋得抄傳談說混亂是非有不遵的着緝事衙門訪拏治罪目今時事多艱大小臣工俱要併力和衷共濟安攘朝廷用人但以職業

脩廢課其功罪一切葛藤悉宜掃絕不許生事
端自分畛域該部知道

鎮撫司一本參寃官旗事奉

聖旨毛文明等需索本犯及程賸書帕等項銀二千
二百兩雖已追出其騷擾驛傳賍私尚多還着
年限嚴追以助太工該部知道

又一本

聖治辛巳一新事奉

聖旨周宗建等賍私狼籍如何止招五千二百兩繆
昌期止招銀一千兩還着盡數窮追王道行等

招出需索本犯及坐支等項銀一千四百二十
餘兩其騷擾驛遞多贓尚未招認并着立限嚴
追以助大工該部知道

二十一日

刑部一本緝訪事打問過犯人歐陽暉為民贖
罪劉鐸還職奉

聖旨是依擬行

二十三日

錦衣衛百戶張有年一本

聖治幸已一新事奉

聖旨李應昇等到著鎮撫司嚴究明白追贓正法

二十四日

吏部一本要

典關係匪輕事奉

聖旨是劉光復准贈太常寺卿廕一子入監讀書該
部知道

二十五日

鎮撫司一本

聖治幸已一新事奉

聖旨周宗達繆昌期等贓私既各問明着立限追完

以助大工

二十六日

吏部一本考滿事奉

聖旨史弼素傍門戶着削了籍為民當差追奪誥命
大理寺寺正許志吉一本貪污邪惡臺臣事奉
聖旨張繼孟先行削了籍為民追奪誥命即着南京
法司提問追贓以助大工該部知道

錦衣衛百戶張國棟一本欺君滅旨事奉

聖旨黃尊素着彼處撫按官速差的當員役扭解來
京究問該部知道

二十八日

操江范濟世一本險躁臺臣等事奉

聖旨張繼孟已有旨着南京部院追贓堂上官檢發
具見察屬嚴明疏內事情一併究問朝廷設立
臺臣兩京並重南中何獨踈縱以後還着申飭
行該部知道

錦衣衛百戶張應龍一本欺君箴旨事奉

聖旨周順昌着送鎮撫司究問明白具奏百戶文臣
未經題請何得代替致地方有假官之疑該衛
查處

又一本欺君箴旨事奏

聖旨李應昇銀着勒限嚴追完日具奏

吏部一本缺官事奉

聖旨李白春作令貪婪不得考選倒身門戶求周宗
建蔣允儀山人姜大受荐拔趙南星門下厚賂
鑽營陪推吏部及夏嘉遇罪斥李白春遂傳衣
鉢納賄招權醜聲載道久屬漏網豈容復濫正
郎着削了籍為民當差仍追奪誥命

大學士顧秉謙等一本病故大臣事奉

聖旨覽卿等具奏輔臣丁紹輔偶疾長逝朕甚憫惻

應得卹典著禮部從優查例題看

二十九日

吏部一本恭陳聞見等事奏

聖旨賜環等特典原非常例周汝璣施標着以今官
量加優擢餘如議行

五月初二日

兵部一本奴報等事伏乞文龍速赴蓋州防援奉
聖旨是

錦衣衛許顯純一本病故犯人事奉

聖旨繆昌期病故着委官相視明白屍親領埋其招

出賍銀行彼處撫按提家屬勒限追完解進以
助大工該部知道

初三日

工部尚書董可威一本病勢沉綿事奉

聖旨卿拮据冬曹倚任方切乃情詞迫切准回籍調
理病痊起用加太子太保還與馳驛去

鎮撫司一本欺君箴旨事奉

聖旨周順昌招出賍銀二千兩不言何人付授含糊
未明顯是徇情許顯純姑不究還着審確嚴追
以助大工

初六日

應天巡撫按毛一鷺徐吉一本緝獲等事奉

聖旨這緝獲亂民顏佩常等分別正法其漏網巨魁
着作速確查具奏不許株連波及騷擾地方該
部知道

應天巡撫毛一鷺一本欽奉

聖諭事奉

聖旨毛士龍發遣衛充軍僉妻着伍夏嘉遇行賄得
官口供甚確依律充徒不准納贖姜志禮削籍
為民追奪誥命其餘俱依擬行該部知道

禮科張惟一一本直糾奸潑事奉

聖旨叅駁係科臣職掌許志吉強詞飾辯着罰俸三個月該部知道

陝西巡撫喬應甲一本漏網邪臣事奉

聖旨孫瑞原係門戶着削了籍為民革去恩廕仍追奪誥命孫啓祚無例妄引不准行該部知道

河南巡按楊維垣一本通夷賣國之奸事奉

聖旨據稱勘過張我續名下無着落銀十萬四千餘兩彼原有清冊在部事體重大還着九卿科道從公確議具奏

初八日

鎮撫司一本欺君箴旨事奉

聖旨周順昌招出贓銀三千兩着勒限嚴追完日送
刑部擬罪

內閣傳與禮部

聖諭今歲入夏以來風霾屢作旱魃為灾禾麥皆枯
萬姓失望乃五月初六日巳時地鳴震撼屋宇
動搖而京城西角一方王恭殿一帶者房屋盡
屬傾頽震壓多命朕以眇躬御極值此變異非
常飲食不遑悚悚危懼念上驚九廟

列祖下至中外駭然朕當即齋戒虔誠親詣太廟恭
行問慰禮訖中外大小臣工俱各素服角帶俱
要竭虔洗心辦事其停刑禁屠等項卿等即傳
示禮部都着痛加修省恪供職業共事消弭仰
體朕心冀回天變毋得視為具文苟且塞責仍
將被災人戶速着該地方官查明具奏分別優
恤以彰朕畏天省愆至意特諭

十七日

原任經畧高第一本微臣進繳領賜等事奉
聖旨繳進蟒衣玉帶着內庫查收知道了該部知道

南京兵部侍郎范濟世一本感激天恩事奉
聖旨覽奏知道了捐貲二千兩助建具見急公并贖
銀等項一千六百餘兩到日着監部科道照數
查收該部知道

御史李燦然一本傳奉

聖諭事奉

聖旨據奏塌房一萬九百三十一間壓死男婦五百
三十七名朕心惻然着即分別輕重作速優卹
十八日

陞光祿寺少卿添註莫在聲

二十日

浙江巡按劉之待一本起解犯官等事奉

聖旨黃尊素解到送鎮撫司嚴行究問具奏

二十五日

西城御史李燦然一本地方失火事奉

聖旨朝天宮係勅建殿宇千官習禮之處火災突發
深動朕心大小臣工宜倍加修省以回天意該
坊官力護草場姑免罰治其殿內曾否焚燒香
火李燦然還確查具奏該部知道

吏部一本缺官事奉

聖旨葉大受箴美是非排陷正人姑看削了籍負缺
另推來用

禮部尚書李思誠等一本火災等事奉

聖旨火變示警已有旨上下痛加脩省若舉朝臣子
能洗心滌慮守政公心自然天意可回朕覽諸
臣章奏未常不虛懷採納何得專指王永光一
疏為言且本內既無司官案呈便係奏本如何
題本用印大臣舉動以後還宜謹慎

六月初五日

兵部一本清查兵馬更定營伍事奉

聖旨是內贊畫茅元儀上年樞輔疏請以真病回籍
如何輒加副提兵職銜顯屬鑽刺着削了籍為
民

吏部會推協理工程工部右侍郎范濟世

初八日

山西巡撫曹爾禎一本以清伏戎等事奉

聖旨孫居相名下贓銀二萬八千兩黃金九十三兩
俱已追完着照數查收該部知道

北鎮撫司一本欺君箴 旨等事奉

聖旨黃尊素招出贓銀二千八百兩着勒限嚴追完

日具奏

刑部一本民力已竭事奉

聖旨越其杰行撫按官追贓糜餉三千兩完日發遣
又一本按遼罪狀久明事奉

聖旨方震孺續完銀二千兩着查收助工其未完的
仍勒限嚴追以結前局

禮部一本傳奉事奉

聖旨是皇太子薨逝自當素服輟朝着于初九初十
二日其十三日素服原因地震修省不得併為

一事

十一日

諭內閣吏部都察院

聖諭上天仁愛一月三示警戒朕夙夜憂惶敬天之
怒脩省實政亟宜舉行前覽樞臣王永光所奏
停工緩刑言若忠愛朕熟思旬日念皇極殿工
已八九止用銀一百五十萬兩不派擾民不侈
壯麗復查邊儲歲解不缺外發帑又二千餘萬
已同逝波竟無實濟且皇極殿工用什物木不
求全后不棄瑣節畱存畱物料■積即接構三
殿計外解一百餘萬未至皇考發帑百萬尚存

業已罷督徵停搜括蠲編派矣乘此內外臣工
協心併力通融樽節即事半而功倍且一勞而
永逸器具無朽敗散失之虞商匠需經營養
之澤中外臣民宜悉此意若司民牧守封疆者
皆如大工官解侵漁民無嗟怨則何功不奏何
治不隆乎永光再奏云未見恩免何項寬恤何
人止望朕調劑簡省朕俯悼民隱仰惕天威正
當罪已每思改弦飭爾諸司舉行實政見今民
窮已極優卹何方東南兵燹救寧何術匪蘇民
困莫挽天心朕研慮焦思企望平治况今年盜

龍袍內庫二案朕懲積奸已從重典其奸細俘
囚強盜律不待時原未違春生夏育之天似未
有濫刑妄殺之獄今後諸司問擬宜體不得已
而用刑之意使奉從重之旨務為持法之平縱
情重于罪亦只罪當而止朕後世子孫不許從
重議之旨著為令朕又仰思

皇祖刑不上冠紳崇養士節柰士不自愛爭為奸宄
如周宗建首保熊廷弼于亡遼之後何為陶朗
先靡帑賂遺以衆撓法以巡城御史歛多官銀
兩創建書院自甘督工翼戴奸邪抗旨倡亂碑

文見在喪盡良心又惡郭鞏力攻廷弼遂誣鞏
交結內侍克鋒狡諂遠伏疑案欺朕幼冲敢以
伐衛制楚之術玩弄要挾及朕密訪博詢都無
影響正合祖宗設立紉牌說謊面欺之律朕慎
重■誅姑行提問不敢失

皇祖隆士盛心却又以一薪俸作贓認莫須有之罪
郡縣扶同并以侮朕周順昌始則逗撓詔獄以
孫女婚魏大中繼則奉旨逮問糾黨稱亂褻旨
欺君雖遣役貪狼半由自取而孫嬌重犯顯倡
不臣黃尊素為李若星居間分贓自肥座師破

例賄入吏部攬亂朝政僅僅削籍故里又認司
房宗族暴豪鄉井非復人理可謂士乎夫朝廷
重士士實自輕朝廷建官官返侮上若一味含
糊寬假則春秋無將之誅謂何或難乎其為上
矣諸臣不詳察不自省輒另具肺腸動以為朝
廷之過朕未曉焉卿等可平心衡量朕之所言
果輕聽乎果偏徇乎朕為天下主八柄自持目
擊群兇大憝欺天罔人淆亂政紀朕何忍罷
祖宗之法而任其肆逞滔天也耶你每大臣位重朕
肱道崇忠直若皆事不課實過忍疑君一體何

居靖共安在試各清夜自思二千萬餉今日何
在天災民困何以致然應否徹底澄清應否懲
前戒後其諸回罪狀是否深■各自吐情實毋
挾縱橫之術莢惑萬世人心敬天憫人朕弗敢
替

祖宗法度朕曷敢私特諭

十二日

湖廣巡按陸獻明一本報解犯官贓罰事奉

聖旨楊漣梅之煥等見完贓銀著先解進以助大工
其未完的勒限嚴追另行報解該部知道

十三日

督師王之臣一本東虜窺竄事奉

聖旨陳民情准四部姜雲龍見掌制勅官關主事着
別推一員去該部知道

吏部尚書王紹徽一本欽奉

聖諭事奉

聖旨奏繳聖諭該衙門分疏用印如何獨自書名具
疏內又兼條陳殊非回奏之體帑金二千萬兩
靡費不止三人何不悉行查出大臣章疏還宜
詳慎

又一本欽奉

聖旨事江西缺吏部司官推兵部主事萬谷春魯棟

奉

聖旨江西司官還着另推來用

十七日

太常寺少卿韓繼思一本病沉無望痊可事奉

聖旨韓繼思准在籍調理病痊起用該部知道

十八日

南京右都御史喬應甲一本臣力益衰事奉

聖旨卿以風望簡總督臺乃請告情詞懇切准照新

銜致仕以成高尚該部知道

都察院一本考察事奉

聖旨劉之鳳貪險不正南北昭彰着剋帶閑住

十九日

南道游鳳翔等一本天心仁愛事奉

聖旨這條陳各款俱屢奉明旨中外共知游鳳翔先
經考察劣轉知府今從寬典姑復原官今乃逞
臆市恩撫拾瑣屑着仍舊知府去該部知道

二十日

北鎮撫司一本病故犯人事十七日犯人周順

昌病故奉

聖旨周順昌病故着委官相視明白屍親領埋其未完贓銀行彼處撫按追完解進以助大工該部知道

二十三日

鎮撫司一本病故犯人事十八日犯官周宗建病故奉

聖旨周宗建病故着委官相視明白親人領埋其未完贓銀行彼處撫按追完解進以助大工該部知道

二十九日

兵部郎中吳淳夫一本時事多艱事奉

聖旨山人墨客不宜交往這本說的是但輔臣忠猷
正茂倚任方殷不得輕詆該部知道

大學士馮銓一本抱病難痊事奉

聖旨卿才猷練達佐理忠勤時事多艱何以人言
求去還着即出贊襄以副朕懷該部知道

閏六月初二日

御史劉徽一本

王主求治甚切事奉

聖旨劉嶽與輔臣同鄉也來隨聲附和該部知道
御史陳朝輔一本灾異屢變等事奉

聖旨輔臣不得輕詆已有旨了言官果有當言何反
踵部臣之後隨聲附和該部知道

浙江巡撫潘汝楨一本俯順輿情事奉

聖旨據奏魏忠賢心勤為國念切恤民憫兩浙連歲
之災傷蠲百年相沿之鋪墊宜從衆請用建生
祠着于地方營造以垂不朽改造撫賞等項俱
係急需還着作速解運該部知道

又一本計期伊通事奉

聖旨魏大中賍銀追完二千三百六十餘兩解至着
監部科道照數查收以助大工該部知道

御史陳朝輔一本輔臣聞言飾辦事奉

聖旨這本說輔臣馮銓事蹟多端即着回籍閑住以
候公論之自定程夢庚惡甚于汪文言已經該
廠聲問不得輕縱該部知道

太常寺少卿趙興邦一本臣病方深事奉

聖旨趙興邦着冠帶閑住該部知道

應天巡撫毛一鷺一本查勘登萊舊撫事奉

聖旨這追過陶朗先賍銀一萬八千八百五十餘兩

候解到照數查收以助大工其未完數多着令
浙江撫按于原籍秀水嚴追速解不得遲悞該
部知道

初五日

鎮撫司一本病故犯人事初一日犯人黃尊素
病故奉

聖旨黃尊素病故差官相視明白親人領埋其未完
贓銀行彼處撫按追完解進該部知道

初六日

吏部一本缺官事山西缺副使推保定知府元

萬齡湯道衡奉

聖旨祝萬齡俸淺別推來湯道衡曾經拏問朦朧起
用已屬漏網何又推陞着冠帶閑住

初七日

吏部一本缺官事奉

聖旨謝啓光陞南京兵部右侍郎

初八日

鎮撫司一本病故犯人事奉

聖旨李應昇病故着委官相視明白親人領埋其未
完贓銀行彼處撫按追完解進該部知道

十五日

吏部一本缺官事奉

聖旨周之綱依附邪黨着冠帶閑住太常寺卿員缺
另推來用

十八日

大學士顧秉謙等一本揆地乏人事奉

聖旨覽卿等奏具見忠誠為國朕已鑒悉政本乏人
所請枚卜朕知道了着吏部會同九卿科道從
公諮訪勿拘資格須求真才將見任并在籍素
行公謹才品練達的多推幾員來俟朕簡用該

部知道

刑部負外趙九真一本恭過

慶陵告成事奉

聖旨趙九真既以叙功准復原官前後資俸例應通
筭張泰階資俸在後已經轉府九真六載勤勞
猶滯刑曹似非政體吏部知道

刑部一本按遼罪狀事奉

聖旨方震孺續完贓銀二千兩着工部照數查收以
助大工知道了

錦衣衛千戶梁維經一本欺君獲

旨事奉

聖旨周起元受楊姜多賄阻撓上供袍服今已拏到
着送鎮撫司照李實原叅指稱鑄錢冒破十餘
萬兩勒限追完以助大工

二十四日

應天巡撫毛一鷺一本仰遵

明旨事奉

聖旨這奸民依擬分別正法顏佩常馬傑沈陽楊念
如周文元即着梟示吳時信劉應文丁奎許爾
成季郊孫俱發邊衛充軍鄒應楨楊芳杖六十

國法已伸人心初定還須加意拊綏以安地方該部知道

南京司禮監劉文耀一本欽奉

聖諭事奉

聖旨這解到塩運司貯庫銀二十萬着監部科道照數查收以助大工其未解銀一百二十萬兩着欽差內臣胡良輔劉文耀恪遵前諭作速催解不得聽知府顏容暄并操臣胡東漸自行差官起解之說顏容暄顯是抗諭阻撓稽緩悞事以致各府銀兩俱皆停止着削了籍為民當差該部知

道

二十五日

御史高弘圖一本知人不易卜相猶難事奉

聖旨枚卜共矢虛公務在得人已有旨了喬應甲生平自負乃撫秦貪跡大著言清行濁憲體掃地何以風示百官據言官叅論如出一口即行陝西巡按從實勘明具奏以憑處分不得徇情隱匿都察院知道

御史盧承欽一本輔臣已去事奉

聖旨去輔行事雖係風聞這本說的是徐縉芳各項

贓銀不下數萬奉

旨追贓已久迄今不見分毫是何法紀其貯之官者
可以立取其歛之家者可以分追着行淮揚福
建兩處撫按勒限嚴追解京不得仍前違悞以
取罪戾該部知道

御史李燦然一本去輔穢迹可憎事奉

聖旨徐紹吉患得熱中投身去輔營謀要地盡喪生
平着冠帶閑住鄭履祥夙附權門今誇入幕驅
除同輩縮符職方吳殿邦多事居鄉橫衆公祖
立逐豸繡以快已私都着削籍爲民當差仍追

奪誥命該部知道

二十七日

刑部尚書徐兆魁一本熟審屆期事奉

聖旨徐兆魁縱容司官賣法全不知愧而強詞飾辯
溫國奇執法臺臣反為重犯求寬成何憲體都
着冠帶關住劉鐸犯罪得釋已屬漏網又代人
居間行賄明設騙局着提了問方震孺追贓未
完復增一案罪上加罪其受賄司官伺鎮撫司
審明具奏處分該部知道

河南巡按楊維垣一本欽奉

聖諭事奉

聖旨是李若星誥命已經追繳其霍振芳余思明等并着一體追奪該部知道

二十九日

刑部左侍郎沈演一本司官開報舛錯事奉

聖旨假官章燁斗既稱情屬可矜又云法不容貸前後語言展轉支吾摭飾強辯豈成法司之體沈演着削籍為民該部知道

御史袁鯨一本家臣聞言心恇事奉

聖旨王紹徽脏私狼籍着冠帶閑住該部知道

三十日

鎮撫司一本欺君箴

旨事奉

聖旨這二犯名下追出見在贓銀五十八兩着送監
部科道照數查收以助大工該部知道

七月初一日

直隸巡按楊茂春一本奸貪之積蠹宜清事奉
聖旨方大任見追贓銀一千一百五十餘兩既經貯
庫着俟速解進以助大工徒罪不准納贖照例

發配該部知道

初四日

兵部尚書王永光一本推帥萬不宜遲事奉

聖旨卿為本兵從實做事朕所素知乃屢奉溫旨堅卧不出恐悞部務准回籍調理還與馳驛去該部知道

工部一本積勞病劇事奉

聖旨李廷芳托病規避着冠帶閑住吏部知道

吏部一本缺官事奉

聖旨周應秋陞吏部尚書遺下左都御史員缺着會推來看以憑簡用

初五日

浙江巡按劉之待一本計期伊邇事奉

聖旨魏大中陶朗先疏內見追贓銀着作速差官解
進以助大工其未完的仍着該撫按嚴行搜索
追比不得徇情隱匿該部知道

又一本目久勞臣功積未明事知府杜喬林俱
奉

聖旨該部知道

初七日

鎮撫司一本緝獲事奉

聖旨劉鐸著鎮撫司提問

初九日

吏部會推

左都御史房壯麗 崔呈秀

兵部尚書馮嘉會 王在晉

刑部尚書薛 貞 靳于中

十二日

吏部一本缺官事奉

聖旨王繼曾陞尚寶司卿史孔吉係高攀龍邪黨如何謀幹京堂且着冠帶閑住該部知道

刑部一本遵例糾拾事奉

聖旨邢元吉等候追贓完日具奏

十六日

戶部尚書李起元一本病勢以深事奉

聖旨卿勤勞國計倚任方殷請告情詞迫切行履果
屬艱難准回籍調理還與他馳驛去該部知道
吏部一本欽奉

聖諭事奉

聖旨施鳳來張瑞圖李國樞各陞禮部尚書兼東閣

大學士俱入內閣同元輔顧秉謙等辦事

十七日

大理寺右寺丞呂鵬雲一本親病事奉

聖旨呂鵬雲准在籍調理痊可前來供職該部知道
十九日

工部尚書薛鳳翔一本司官放肆無忌事奉

聖旨門洞開小才矜已盛氣凌人全無實事實心一味發抄發揭堂官叅屬灼見頗真着冠帶閑住
吏部知道

二十二日

鎮撫司一本訪據事奉

聖旨鄭崇光徐石麒贓私狼籍着削籍爲民追奪誥
命其韓三原供奸輔韓爌受過贓銀共二千六
百兩既行彼撫按追解必要勒限速完其疏內
韓閣下字樣甚非君前臣名之義許顯純不諳
事體姑不究其所進追完贓銀三千九百六十
五兩着監部科道照數查收各犯并交贓銀犯
人通送刑部依律擬罪該部知道

二十四日

吏部一本缺官事奉

聖旨是年志夔陞大理寺少卿官東路事

又一本欽奉

聖旨事奉

聖旨陳胤叢陞大理寺右寺丞

漕運蘇茂相一本遵

旨追贓事奉

聖旨袁世振等各犯贓銀先後盡數追完知道了

鎮撫司一本訪獲事奉

聖旨犯人史大任等通送刑部依律擬罪司官翟師
偃馮士渠李升問枉法受贓本當杖處姑削籍
為民追奪誥命劉鐸方震孺身在囹圄猶代人

居間過付加罪有法不得徇私該部知道

二十五日

吏部一本欽奉

聖旨事奉

聖旨崔呈秀加陞工部尚書兼都察院左副都御史
照舊督察大工事務駱從宇轉吏部左侍郎曹
思誠陞吏部右侍郎
又一本樞務需人事

題武庫司郎中吳淳未調職方司郎中員外董象恒

陞武庫司郎中

二十七日

吏部一本缺官事奉

聖旨保定畿輔重地岳和聲駕遠不便到任潘雲翼
三朝要典內疏稱楊漣無罪去國忠臣扼腕豈
是公言着剋帶閑住員缺另推來用

又一本缺官事奉

聖旨邊疆多事樞貳需人甚急郭尚賓迢遞不便到
任袁可立陞兵部左侍郎魏應嘉陞兵部右侍
郎

又一本缺官事奉

聖旨邊疆多事樞貳宜擇馬從龍年老且曾經考察
不堪擢用員缺另推來看

大學士顧秉謙等揭帖奉

聖旨劉天錫係周宗建私黨久居密勿着削籍為民
追奪誥命該部知道

御史田景新一本照督院設事奉

聖旨李樞以需索金盆激變至今流禍無窮田景新
所舉不當該部知道

二十九日

吏部一本缺官事奉

聖旨馬之騏陞祭酒

又一本缺官事奉

聖旨朱童蒙陞都察院右副都御史巡撫延綏等處
地方督理軍務寫勅與他

八月初一日

陝西巡撫張維樞一本解進已完捐資銀兩事
奉

聖旨張問達已完銀三萬兩着戶部照數查收以助
軍興其未完銀七萬兩仍着撫按速催完解該

部知道

初二日

吏部一本欽遵

聖旨事奉

聖旨陸康稷張履端俱係門戶著冠帶閑住員缺另

推來用

初七日

巡捕提督張體乾一本神奸賄囑左道事奉

聖旨劉鐸居間擬成又賄囑妹人鎮魔咒咀重臣并

妖犯方景陽曾雲龍彭文龍家人辛雲劉副等

都着錦衣衛拏送鎮撫司嚴刑究問具奏其

李理清隨審

吏部

題陞南太常寺卿張守道

福建右叅政劉之待

湖廣僉事周宗文

靖州兵備道王會圖

山西右叅議杜三策

四川右叅議張鵬雲

陝西右叅政侯恂

初八日

吏部一本缺官事奉

聖旨侯恂杜三策徐應秋俱係門戶俱着削籍為民
追奪誥命劉之待與前會單不同顯是徇私更
換司官罰俸三月以後推陞各宜詳慎堂上官
亦宜用心檢點不得任憑該司混推

刑部一本緝獲事奉

聖旨方震孺原以擬絞不思悔禍又湊居間杆法加
斬非過劉鐸身罹法網仍肆奸貪為人夤緣加
戍允宜李瑞以賜金冊

初十日

一

并戍其餘依擬

吏部尚書周應秋一本乞

恩認罪事奉

聖旨國家進賢退奸全賴大臣一切擔當卿等方任
統均掌握銓政乃聽人改換大臣靖共之誼謂
何以後還宜銳志主持振刷仔肩不可為司官
搖惑今既認罪朕知道了

十一日

起補行人司正李徵儀

浙江道陳保太

十二日

大理寺寺副董茂中一本微臣備員刑曹事

奉

聖旨該部知道

十六日

吏部一本欽奉

聖旨事陝西缺副使推吏科王鳴玉丁魁楚福建缺
副使推原任御史胡士奇廬洪珪山東缺右叅
議推御史楊建烈胡一龍俱奉

聖旨是有點的用後科道年例外轉不必陪推

正推有點

鎮撫司一本緝獲事奉

聖旨劉鐔賦性奸貪設心險毒既以營謀擬成復圖鎮斃重臣方景陽因妄殺妻已干大辟今又肆行邪術咀咒興妖一千人犯都送刑部從重擬罪張體乾緝捕有功陞都督同知把總谷應選加陞叅將仍管把總事其餘叅將中軍等官着兵部照例優叙該部知道

十九日

吏科楊所修一本例轉逾額太多事奉

聖旨言官朝廷耳目朕豈有厭薄之意但更換非體

故令再推今春秋例轉仍用科二道四未嘗逾
額已有旨了該部知道

二十一日

吏部一本循例轉陞京堂事奉

聖旨彭汝楠不准添註候實缺推用

南刑部尚書吳崇禮一本熟審

屆期事奉

聖旨吳崇禮既有病請致仕回籍吏部知道

刑部一本神奸賄囑等事奉

聖旨劉鐸左道興妖罪上加罪擬絞未盡厥辜曾雲

龍彭文炳劉福辛雲明係同謀豈止徒杖司官
高默徐目葵陳振豪湯本沛不通堂批徇情賣
法本當處治姑著再審依律從重擬罪具奏

二十四日

刑部一本欽奉

聖諭事奉

聖旨是錢士晉着行彼處撫按照原擬追贓發落

二十五日

吏部一本欽奉

聖旨事奉

聖旨楊惟和是在執塲監官事不便他轉聶慎行准
吏部司官

北鎮撫司一本訪據事奉

聖旨程夢庚等贓銀十三萬六千兩本司立限嚴追
吳養春贓銀六十餘萬着行該撫按照數作速
追解其山場木植銀三十餘萬兩工部即差官
會同撫按估計變價解進俱以助大工山場地
二千四百餘畝并隱匿山地以拋荒地土未
入冊者查出并科盡歸朝廷不得仍前隱漏廠
臣魏忠賢報國丹心發奸巨手搜剔黃山之犬

獎克襄紫極之浩煩省金錢而工愈饒不加賦
而財用足種種勛勞茲功更茂著廕弟侄一人
與做錦衣衛指揮世襲給典應得誥命仍賜勅
獎勵以示優異還賞銀五十兩采段四表裡羊
二隻酒三十瓶新鈔三千貫原辦官旗照例優
叙該部知道

通政使馬從龍一本年衰老疾事奉

聖旨馬從龍稱病果真着致仕回籍吏部知道

二十七日

吏部尚書周應秋等一本申明

例推事奉

聖旨科道例轉京堂候補實缺已有旨了如何又來
賂賈顯是司官徇情市恩堂上官主持何在還
着遵前旨行

刑部一本神奸賄囑左道事奉

聖旨劉鐸曾雲龍彭文炳劉福俱依擬即便會官處
決辛雲姑遣戍方景陽雖已物故還當戮屍司
官高默徐日葵陳振豪湯本沛先係徇情賣法
及奉嚴旨總行改正着降三級調外任該部知
道

二十八日

吏部一本缺官事奉

聖旨董茂中陞南京尚寶司司丞

鎮撫司一本遵奉

懿旨事奉

聖旨犯人徐自強等着送刑部如律擬罪張國紀身
係皇親宜恪遵禮義不得濫用匪人本當送國
子監演禮三年姑着自行省改該部知道

原任登萊巡撫武之望一本積勞久病事奉

聖旨武之望三疏請告情詞迫切准回籍調理病痊

起用該部知道

吏部上本

陞太僕寺少卿陳王廷 王業浩

太常寺少卿彭汝楠 楊所修

三十日

左副都御史劉廷元一本

三朝要典事奉

聖旨皇考實錄已有旨改正即行擇日開館舉行曹
學佺私撰野史搖惑人心本當拏問姑從輕削
了籍為民其書板即行彼處撫按官嚴追焚毀

餘着該部院查確具奏

九月初一日

內閣傳出

上傳與吏部太僕寺卿顧慥久病家居不來供職着
冠帶閑住其餘各衙門官有年力衰邁步履艱
難者宜恬退中有品望超卓者又不妨加銜致
仕以示分別

吏部一本官職未盡事奉

聖旨周文煥前已更換作弊又今規避給假着冠帶
閑住

吏部又一本缺官事奉

聖旨會典太常寺額設卿一員少卿二員今額外多設已非舊制何得復行濫推彭汝楠等着以原官供職候額內實缺陞補

又一本缺官事奉

聖旨會典太僕寺額設卿一員少卿二員今額外多設已非舊例何得復行濫推陳王庭等着以原任供職候額內實缺陞補

南工部侍郎盧大中一本赴闕給由患病事奉聖旨盧大中准加銜致仕該部知道

初二日

吏部一本欽奉

聖諭事復太僕寺卿顧慥冠帶閑住奉

聖旨因能授任朝有異章量力服官臣有明義各官
年力衰邁的義當自裁其素有品望的着多加
銜致仕以示風勵你部即遵旨分別具奏行

初四日

刑科黃承昊一本督撫既以分任事奉

聖旨黃承昊係東林不自引避反條陳塞責着削了
職為民當差仍追奪誥命該部知道

兵科郭興治一本奴氣未靖事奉

聖旨吳淳夫勁骨孤貞這本存的是着加陞京堂照
舊管事姜雲龍居間鑽刺躍冶不祥削了籍為
民仍追奪誥命

初五日

大理寺寺丞余合中一本病久不能供職事奉
聖旨余合中稱病果真准加銜致仕吏部知道

初七日

吏部一本缺官事奉

聖旨曹思誠陞吏部左侍郎汪輝仍以吏部左侍郎

管右侍郎事兼翰林院侍讀學士錢龍錫久係
門戶着削籍為民仍追奪誥命

又一本缺官事奉

聖旨倪思輝久係門戶着削籍為民仍追奪誥命趙
綏陞通政使司通政使

又一本缺官事奉

聖旨徐如珂久係門戶着削籍為民仍追奪誥命李
逢節陞南京工部右侍郎

又一本缺官事奉

聖旨謝啟光陞南京兵部添註右侍郎毛一鷺陞南

京兵部右侍郎朱欽相久係門戶著削籍為民
仍追奪誥命

十二日

吏部一本奴氛未靖事奉

聖旨吳淳夫陞太僕寺少卿仍管兵部職方司郎中
事遇缺填補

又一本訥言最要事奉

聖旨韓國藩久係門戶著削籍為民仍追奪誥命楊
紹震准加通政司通政使管右叅議事

又一本缺官事奉

聖旨呂圖南陞通政司右通政須之彥父係門戶著
削籍為民仍追奪誥命

廣西巡按王政新一本舉劾方面事奉

聖旨曹學佺擅作野史搖惑人心已經削奪王政新
荐舉不當着冠帶閑住該部知道

十三日

鎮撫司一本病故犯人事奉

聖旨周起元病故着委官相驗明白親人領埋其原
叅鑄錢冒破贓銀十萬餘兩着行彼處撫按嚴
提家屬追完勒限解送以助大工不得徇情遲

候該部知道

十五日

吏部一本缺官事奉

聖旨王伉陞光祿寺少卿

二十一日

吏部一本缺官事奉

聖旨蔣一驄陞尚寶司司丞

二十二日

吏部一本缺官事奉

聖旨李待問起陞都察院右僉都御史總理糧儲軍

務兼巡撫應天等處地方寫勅與他

二十三日

大學士顧秉謙一本

天恩愈渥事奉

聖旨卿亮節偉猷忠勤茂著朕倚賴正殷何乃連章
求去情詞懇切且欲趨出慶賀成禮始歸乃忠
愛無窮又難強徭特從所請著加太師廕一子
與做尚寶司司丞仍遣行人護送馳驛歸里加
賜路費銀一百兩采段四表裡大紅紵絲坐蟒
一襲地方官不時存問月給廩米五石與與夫

八名稱朕始終隆眷至意卿還宜為國善攝佇候召用該部知道

神宮監胡良輔一本欽奉

聖諭事奉

聖旨這解到三項銀三十萬着監部科道照數查收以助大工其未完操餉馬價着胡東漸徐喬遷盡數勒限嚴追并益運司貯庫銀四十萬有奇着巡鹽御史許其孝速催解進另有廣監庫舊積該撫按道臣會同該監將底簿開庫清查奏報以憑裁奪內臣胡良輔劉文耀彈力催償胡

東漸王化行任怨惠公俱勞勛可紀許其孝持
斧執法有裨國計尤見忠勤汪承爵剝商貪婪
抗違明旨著削籍為民行巡鹽御史追贓正罪
庫吏喻天民等書手秦玉等朋比作奸把持出
入各役頂首銀每名數千金一併嚴提追究該
部知道

刑部左侍郎吳中偉一本告承等事奉

聖旨吳中偉既以老邁引退清恬可嘉著加銜致仕
該部知道

二十五日

吏部一本缺官事奉

聖旨章光岳陞南京太常寺少卿蔡猷臣父係門戶
着冠帶閑住

二十八日

吏部一本缺官事奉

聖旨沈侍卿陞兩淮運使念路途寫遠不能遷到運
司印務着楊州推官許其進暫帶管理其未完
搜括銀兩着勒限嚴催不得稽遲

吏部一本要地府正事奉

聖旨羅鍾光託疾規避着削籍為民員缺即以同知

周文相加銜陞補陳聖典李時放姑著寬限三箇月依期作速赴任以後遠方各官不遵恩限的一體嚴治

刑部一本欽奉

聖諭事奉

聖旨殿工告成中外普慶昨傳諭暫免行刑即著各省直一體暫免以彰朕浩蕩之仁其囚犯牢固監候該部知道

遼東巡撫袁崇煥一本天厭奴惡事奉

聖旨據報奴斃已真其子爭位狡黠叵測還著嚴加

防禦一切勦守機宜相時而行勿致疎虞該部知道

兵部一本懇鑒寃抑事奉

聖旨李曠逃入河西情差可原然抗違主帥擅離信地法在不貸著寧遠撫按酌確定奪逃回兵士作何安插併議具奏

十月初一日

吏部一本巡歷關外事奉

聖旨近聞叔舊奉覲而自殲旼漸收而可壑片堠
滿邊堂與倫安皆厥臣魏忠賢精忠報國勝箕

籌遣士飽馬勝屢次輸助師武臣力咸借提衡
惟朕釋東顧之憂實賴爾獲自天之禱允從部
覆嚴峯彛章今特晉爾侯太子太保肅寧伯魏
良卿為肅寧侯世襲官銜及歲加祿米照舊錫
之誥券與國同休該部知道

初三日

直隸巡按馬逢臯一本積病增劇事奉

聖旨馬逢臯既有疾准回籍調理該部知道

南都察院一本敷陳愚見事奉

聖旨徐復陽居官賄聞着削了籍為民仍追奪誥命

員缺另推來看

初五日

兵部一本缺官事奉

聖旨徐本高久倚門戶沈光裕素有惡名俱着削了
籍爲民仍追奪誥命員缺另推來看

初六日

順天府房山縣民陳槐嫡子陳秉坤一本

天祚預修事奉

聖旨前陳槐妄認皇親宗派已經處分陳秉坤如何
又行續奏着解送房山縣重責五十板監候具

奏還令殿衛五城嚴緝同謀之人以憑究治該
部知道

初七日

吏部上本

陞光祿寺丞許鼎臣

內官監一本

三朝缺典事奉

聖旨皇極殿工我

皇祖遲延未舉者三十餘年誠重之也爰及朕躬襄

茲鉅典是皆殿臣魏忠賢心無二慮笑有定謀

惟斷乃成經始贊惟王之卜用人則裕提衛故
將作之勤開節有方財用贏于乂詘勞來不急
庶民悅以忘勞遂使戶牖可銘攸芋堪御俾朕
藉手以稱繼述厥成茂矣其晉秩為上公仍加
恩三等還賞銀一百兩采賤八事裡芋二隻酒
三十瓶新鈔三千貫賜勅獎勵原封太子太保
肅寧侯魏良卿晉封寧國公世襲官銜照舊給
與應得誥券以昭懋賞其餘內外大小官員著
該部優叙具覆

十六日

大學士黃立極等一本遵

聖諭即刻傳示嚴衛五城等事奉

聖旨卿等為國股肱誼關休戚見無禮犯上之輩即
興鷹鷂逐雀農夫治芟等語具見卿等調燮之
慮甚周愛君之念甚切允副朕意朕甚嘉之該
部知道

十七日

工部負外鮑國忠一本

兩工題叙事奉

聖旨殿工晉賚凡著有勞勛者朕都看酌量加敘鮑

國忠如何曉曉噴陳姑不究該部知道

十八日

吏部一本酌請

皇恩事奉

聖旨張文郁葉憲祖俱陞太僕寺少卿仍各照舊官
事潘達黨附熊廷弼着削籍為民該部知道
原任山西叅議孫繼錦一本邪黨溷淆

國是事奉

聖旨這本所指邪黨都已經處分孫繼錦何不早辯

該部知道

順天府府丞劉志選一本

聖主寬恩下逮戚臣怙惡事奉

聖旨據奏張國紀事跡多端朕前姑令悔過自新以
全國體如何不見省改還着洗心滌慮就令改
圖慰朕敦睦戚臣至意勿得執迷不悛自取罪
責嚴禁蜚語已諭緝事衙門體訪拏究

二十日

直隸巡按梁夢環一本微臣躬逢盛典事奉

聖旨據奏殿臣忠貞勞瘁克襄大典沉幾先慮潛消
亂萌功績茂著朕所鑒知何士晉久係門戶居

官貪黷程註附權居間賍私狼籍俱看彼處撫
按照原奏數目提問追賍解助大工沈惟炳黨
邪害正賣友沽名着削籍為民追奪誥命程良
籌係程註之子着吏部除名永不叙用該部知
道

兵部侍郎魏應嘉一本足疾陡發事奉

聖旨魏應嘉請告情詞懇切准以原官致仕該部知
道

二十三日

吏部一本欽奉

聖旨事山西缺司官推兵部主事王凝祚行人姚昌
錄奉

聖旨着點了的用

姚昌錄有點

吏部又一本殿工告成事奉

聖旨朕以殿工告成特遵彝典叙賚群工乃功積之
多寡人品之邪正朕鑒洞然范景文陞太常寺
少卿提督四夷館遇缺填補郭興治陳王庭賈
觴祥俱陞太僕寺少卿仍管科道事周用賓彭
汝楠王夢尹土業浩俱削了籍為民追奪誥命
該部知道

都察院一本奉差按臣事奉

聖旨擬奏李九官奉差因病擅自離任著致仕該部知道

二十七日

吏科李魯生一本

聖政日新事奉

聖旨石萬程遇事難托病規避着削了籍為民當差仍追奪誥命永不叙用祝萬齡著冠帶閑住該部知道

陝西巡按王大年一本舉劾方面官員事奉

聖旨沈應時周汝弼久係門戶着削了籍為民仍追奪誥命餘俱酌議具覆該部知道
吏部等衙門會推

禮部右侍郎推韓日績 李標

兵部左侍郎推邵輔忠 霍維華

刑部左侍郎推郭尚賓 傅振商

福建巡撫推朱一馮 黃景章

甘肅巡撫推朱國盛 張三杰

原任青浦縣知縣許惠一一本東林糾黨肆毒

事奉

聖旨許惠一聽降自有官評何得捩拾妄辯

二十九日

吏部一本欽奉

上傳事奉

聖旨王則古曾經考察況係高攀龍趙南星死黨又屬漏網今後賄鑽謀遷調着削了籍為民當差仍追奪誥命員缺另推兩部即

遵旨行

三十日

吏部一本河決不治事奉

聖旨並繼良父係門戶邪黨着削了籍為民仍追奪
誥命餘俱依議行總河漕等衙門着實申飭以
警將來該部知道

十一月初一日

吏部一本缺官事奉

聖旨洪敷教陳係奸細武長春前妻之父供狀昭然
何不早退姑着剋帶閑住員缺另推來看

初九日

吏部一本再報流賊情形事奉

聖旨是內張鵬雲父係門戶着削了籍為民仍追奪

誥命

初十日

工部一本

三朝闕典事太僕寺管寶源局葉憲祖造完寧國公
魏良卿鐵券

南兵部尚書許弘綱一本微臣衰邁已極事奉
聖旨卿才望素隆留樞倚賴請告情詞迫切准回籍
調理以遂恬修該部知道

戶部尚書畢自嚴一本衰病日深事奉

聖旨卿才望素著畱計匱乏正賴持籌請告情詞懇

至准回籍調理以昭姦節該部知道

十一日

工部一本傳奉事奉

聖旨寧國公府第係元勲懋功之丕基昭朝廷錫庸
之巨典工既告成着該部查照
吏部一本缺官事奉

聖旨趙士煥素行有玷着剋帶閑住員缺另推

十三日

吏部一本奉差事竣事奉

聖旨韓于宣奉差違限日久况係門戶着削了籍為

民當差追奪誥命該部知道

吏部又一本缺官事奉

聖旨馮時行陞太僕寺少卿管西路事

吏部又一本缺官事四川缺副使推本省叅議

洪纖若劉有源奉

聖旨洪纖若有點劉有源為門戶摧折着以原官御

史回道官事

吏部又一本欽奉事奉

聖旨是欽點司官姚昌錄填補稽勲司主事

吏部一本欽奉

上傳事後

上傳南京右都朱一桂年力衰邁著冠帶閑住員缺

另推

御史汪若極一本欽奉

聖旨事奉

聖旨這妖書悠謬不根見者宜投諸水火王贊化等
不敢抄傳寔為邪妄着刑部依律治罪該部知
道

十九日

吏部一本咨留賢能司官事奉

聖旨田吉握符東魯贊畫榆關俱著勞績著陞太常寺少卿仍管職方司員外郎員缺另推

二十日

吏部一本缺官事奉

聖旨郭尚賓魯附黨人着削了籍為民當差追奪誥命員缺另推來看

二十二日

吏部一本缺官事奉

聖旨劉廷元陞南京兵部尚書叅贊機務寫勅與他吏部又一本缺官事奉

聖旨袁可立素才品念年力稍衰着加銜致仕以
成恬退之志員缺另推來者

二十三日

吏部一本缺官事奉

聖旨因仰陞尚寶司卿官少卿事

大學士黃立極等一本推陞年深官員事奉

聖旨覽卿等奏推陞官員唐大章劉鴻訓劉鍾英俱
久係門戶黨邪害人豈堪清要職任都着削了
籍為民當差仍追奪誥命該部知道

二十五日

都察院一本

主恩未報事奉

聖旨高弘圖托病規避着冠帶閑住

二十八日

直隸巡按梁克順一本遵奉

明旨等事奉

聖旨梁克順門戶邪黨着削了籍為民追奪誥命其
應解天啓五年銀六百兩接差倉臣如期解進
以濟邊工該部知道

浙江叅議戴君恩一本世直等事奉

聖旨戴君恩多方誘賊獻俘有功已有旨了准加
銜劉時俊為周宗建邪黨摧折久致淪落公論
既明著加銜該部知道

吏部一本功過原無異同事奉

聖旨李應奎前為巡城御史頗以賄聞著冠帶閑住
二十九日

御史張汝懋一本急公之摠事奉

聖旨這本說游士任楊嘉祚房可壯相倚貪濫侵銀
帑金錢數多具有與案可查賍私易訊著嚴行
該撫按官提問將奏內諸款

勘勒限追解以

助大工游士任已經遣戍其贓銀着行原籍撫
按另拘家屬追比完解該部知道

十二月初一日

吏部一本欽奉

聖旨事奉

聖旨袁可立猷風望隆准加兵部尚書致仕還着馳
驛去

初二日

兵部一本欽奉

明旨事據奏鎮守宣大山西地方內臣符驗即行給

朕知道了以後務遣督撫道鎮果能力洗夙弊
實心禦侮朕自鑒知何得預為條議

兵科李魯生一本點師已老事奉

聖旨點事勦撫迄無成局皆因事權相掣聞見互異
這本議裁撫歸督即督撫便控制而專責成說
的是依擬着行王斌楚人不便督楚閔夢得受
命未聞條畫該部多推以憑點用吏部知道

初五日

吏部一本缺官事奉

聖旨真憲時為楊漣所荐置身門戶着削了籍為民

追奪誥命楊邦憲陞都察院右僉都巡撫江西
地方兼理軍務寫勅與他

英國公張惟賢一本不職有司事奉

聖旨張汝先革了職并一千人犯都着錦衣衛拏送
鎮撫司嚴刑究問如律追贓具奏

初八日

原任永平府推官張基命一本荐墨未乾事奉
聖旨張基命以屢荐推陞未任即劣轉王官賢否條
異官評何據着該部酌議具奏

初九日

吏部一本缺官事奉

聖旨吳淳夫陞都察院右副都御史管太僕寺卿事

十一日

陝西巡撫張惟樞一本奉

旨催解指資銀兩事奉

聖旨張問達竭力捐助身已病故情有可矜這續完銀三千兩作速解進以助殷門其未完銀數着撫按行勘家資奏請定奪

十二日

兵部主事詹以晉一本直陳無碍事奉

聖旨靈鷲古刹雖廢可修所存田地如何說變價助
工分明垂涎賤價希奪寺業以助工藉口且既
慢神必定害人唐以晉著削籍為民追奪諸命
仍著自行修理寺宇其田因造橋估變佃為民
業的責令贖還本寺為錙銖言利之戒寺新田
還日該地方官申報撫按具奏該部知道

十三日

大理寺卿董光宏一本微臣奏奉

明旨事奉

聖旨董光宏才品素隆自以年暮請休具見恬退准

加銜致仕以成雅志尚有年力衰邁祝以幽陸
夢祖歸子顧俱着加銜致仕該部知道

御史劉徽一本

朝政已著清明事奉

聖旨覽奏熊廷弼侵盜帑金不下萬餘着該撫按嚴
提家屬追贓劉弘化克惠受賄亦有萬餘該撫
按嚴行提問追贓毛士龍邪黨渠魁盜庫有據
着法司提來究問追贓房可壯樊尚燝侵課贓
私即行巡鹽御史徹底清查追贓具奏樊尚燝
先行削籍為民仍追奪誥命該部知道

十四日

順天府丞劉志選一本要典功罪已昭事奉

聖旨這本說王之宋邪黨渠魁追贓未盡厥辜著彼
處撫按差的當員役扭解來京孫慎行修怨戎
首削奪猶為輕典著彼處撫按開遣成厥臣赤
心報國成功不居朕自能鑒悉其餘忠良諸臣
業多晉心擢用府丞錯寫府尹著改正行

十八日

吏部一本缺官事奉

聖旨孫繼錦父為門戶阻抑著照原銜議補薊州兵

備兼管糧餉事

十九日

吏部一本微臣先以備員刑曹事奉

聖旨董茂中以執法不阿遭橫邪黨沉淪有才與論
既明准行優擢以彰公道

二十一日

吏部一本缺官事奉

聖旨吳淳夫陞工部添註右侍郎協理殿門事務

吏部一本缺官事奉

聖旨吳應琦陞南大理寺卿

吏部一本缺官事奉

聖旨是商周祚陞南工部尚書

吏部一本缺官事奉

聖旨余喬遷久係門戶着削了籍為民追奪誥命王
雅量年力衰邁以原官致仕員缺另推來看

吏部一本欽奉明旨事奉

聖旨董光宏加南兵部右侍郎祝以臨加南工部右
侍郎陸夢祖加應天府尹歸子顧加南刑部右
侍郎各致仕

二月二日

刑部一本緝獲事奉

聖旨王贊化抄寫妖書踪跡詭秘著發極邊充軍以懲邪誕仍照例送五府責六十板掌印官具奏陳和依擬發落

二十四日

都察院一本請差巡按事奉

聖旨馬鳴世置身邪黨着削了籍為民追奪誥命劉其忠亦係門戶且着剋帶閑住員缺另推來看該部知道

二十五日

吏部一本缺官事奉

聖旨丁林濟起南太僕寺卿

二十六日

吏部一本缺官事奉

聖旨徐天衢父係門戶着削籍為民追奪誥命員缺

另推

二十八日

鎮撫司一本緝獲事奉

聖旨李思誠子志舒丘志克都着削了籍為民追奪
誥命丘志克侵牟糧餉鑽求陞轉着錦衣衛

酌當官旗祖解來京其周思權李容宇吳進正
俱著錦衣衛拿送鎮撫司與王家棟一併嚴行
究問追贓完日送刑部依律擬罪厥臣魏忠賢
胸照萬形力持三尺收侵牟以還公帑肅暮夜
以飭官常勞怨不辭勛績茂著著于弟侄一人
與做錦衣衛指揮同知仍賜勅獎勵以示優異
還賞銀五十兩采段四表裡羊二隻酒三十瓶
新鈔三十貫原辦官旗照例并敘該部知道
江北司官于志舒一本辯明等事奉

聖旨于志舒駐証甚明如何來強辯本當拿送鎮撫

司與王家棟面質念已經處分姑不究該部知道

錦衣衛百戶劉太全一本緝獲事奏

聖旨丘志克侵牟糧餉平日居官貪黷可知既拿到送鎮撫司除見銀三千兩着嚴行究問追贓具奏

吏部一本缺官事推應天府府丞過廷訓劉榮嗣奉

聖旨過廷訓陞應天府府丞